



Broj: 01,02-02-1-1789/16

Sarajevo, 30.6.2016.


Parlamentarna skupština BiH

Kolegij Predstavničkog doma

Kolegij Doma naroda

Ustavnopravna komisija Predstavničkog doma

Ustavnopravna komisija Doma naroda



Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15) i člana 97. st. (1) i (2) Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15 i 96/15), Zakonodavno-pravni sektor dostavlja

MIŠLJENJE

o usklađenosti Prijedloga zakona o pružanju besplatne pravne pomoći s članom 105. Poslovnika Predstavničkog doma, članom 95. Poslovnika Doma naroda Parlamentarne skupštine BiH i Jedinstvenim pravilima za izradu pravnih propisa u institucijama Bosne i Hercegovine

Aktom predsjedavajućeg Predstavničkog doma, broj: 01,02-02-1-1789/16, od 29.6.2016., te aktom predsjedavajućeg Doma naroda, broj: 01,02-02-1-1789/16, od 29.6.2016., Zakonodavno-pravnom sektoru dostavljen je Prijedlog zakona o pružanju besplatne pravne pomoći (u daljnjem tekstu: Prijedlog zakona) radi davanja mišljenja o usklađenosti Prijedloga zakona s članom 105. Poslovnika Predstavničkog doma i članom 95. Poslovnika Doma naroda, te Jedinstvenim pravilima za izradu pravnih propisa u institucijama BiH.

Prijedlog zakona, broj: 01,02-02-1-1789/16, od 28.6.2016., podnijelo je Vijeće ministara BiH, kao ovlašteni predlagač, u skladu s članom 104. stav (1) Poslovnika Predstavničkog doma i članom 94. stav (1) Poslovnika Doma naroda.

I. Usklađenost s odredbama Poslovnika Predstavničkog doma i Poslovnika Doma naroda Parlamentarne skupštine BiH

Tekst Prijedloga zakona je, u skladu s članom 105. stav (1) Poslovnika Predstavničkog doma, odnosno članom 95. stav (1) Poslovnika Doma naroda, podnesen u pisanoj i elektronskoj formi, na jezicima i pismima u službenoj upotrebi u BiH. U verziji Prijedloga zakona na srpskom jeziku u pojedinim članovima u kojima su stavovi podijeljeni na tačke, oznake tačaka su napisane latiničnim pismom, te se pojavljuju nedosljednosti u tekstu.

U skladu s članom 105. stav (3) Poslovnika Predstavničkog doma i članom 95. stav (3) Poslovnika Doma naroda uz Prijedlog zakona dostavljeno je obrazloženje, koje sadrži:

1. ustavnopravni osnov,

2. principe na kojima se propis zasniva,
3. razloge za uvođenje propisa,
4. usklađenost propisa s evropskim zakonodavstvom,
5. provedbene mehanizme i osiguravanje poštivanja propisa,
6. opis obavljenih konsultacija,
7. reviziju postojećih propisa,
8. finansijska sredstva za provođenje propisa, te
9. pribavljena mišljenja institucija koje su konsultirane tokom izrade Prijedloga zakona, odnosno mišljenja: Direkcije za evropske integracije BiH, broj: O3/A-06-2-NH-1765-2/15 od 29. 12.2015. godine; Visokog sudskog i tužilačkog vijeća BiH broj: 08-02-1-283-1/2016 od 21.1.2016. godine; Ministarstava finansija i trezora BiH broj: 05-02-2-10248-2115 od 15.2.2016. godine; Ureda za zakonodavstvo broj: 01-02-1-959/15 od 30.12.2015. godine; Ministarstva za ljudska prava i izbjeglice BiH broj: 07-02-1-3046/15 od 28.12.2015. godine.


S obzirom na to da je riječ o novom prijedlogu zakona, odredbe člana 105. stav (5) Poslovnika Predstavničkog doma i člana 95. stav (5) Poslovnika Doma naroda nisu primjenjive.

Iz navedenog proizlazi da je Prijedlog zakona **usklađen** s članom 105. Poslovnika Predstavničkog doma, te s članom 95. Poslovnika Doma naroda, **uz određene greške tehničke prirode**.

II. Usklađenost s Jedininstvenim pravilima za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14)

Prijedlog zakona svojom strukturom, formom i stilom u većoj mjeri odražava pravila izrade pravnih propisa, kako je i propisano Jedininstvenim pravilima za izradu pravnih propisa u institucijama Bosne i Hercegovine, te je **usklađen** s Jedininstvenim pravilima za izradu pravnih propisa u institucijama Bosne i Hercegovine, **uz određene greške tehničke prirode**.

Rukovoditeljica
Zakonodavno-pravnog sektora



Mirjana Kutanjac

Dostaviti:

- Naslovu
- Sekretaru zajedničke službe
- a/a